

HITZ BITAN

NBA

Philadelphiak irabazi du ekialdeko finaleko aurreneko partidua

Philadelphia 76ersek irabazi du ekialdeko konferentziako finaleko aurreneko partidua Milwaukee Bucks mendean hartuta (93-85). Allan Iverson izan zen partiduko jokalaria erabakigarria, aurreneko bederatzi jaurtiketak huts egin bazituen ere. Iversonek 35 puntu sartu zituen, eta Mutombok 15 puntu sartu eta 18 errebote jaso. Bigarren partidua gaur gauean jokatu dute.

FUTBOLA

Artetak PSGn jarraitzea lehentasuna dela dio Luis Fernandezek

Paris Saint Germain taldeko entrenatzaile Luis Fernandezek atzo esan zuenez, «hurrengo denboraldirako lehentasun nagusia Mikel Artetak PSGn jarraitzea da». Bartzelonak utzita ari da Frantziako hiriburuko taldean 18 urteko donostiar gaztea abenduaz geroztik, baina Luis Fernandezek hasieratik konfiantza handia izan zuen Artetarengan eta honek maila ona eman du PSGren zelaian.

TENISA

Piercek ezingo du iazko garaipena errepikatu Roland Garrosen

Mary Pierce tenislari frantziarrak ez du Roland Garrosen parte hartuko lesio bat medio. Roland Garros torneoaz irabazi zuen Piercek eta aurreko lan txukuna egiteko asmoa zuen, baina bizkarreko lesio baten erruz ez da astelehenean Parisko tenis pistetan izango. «Oso triste nago titulua ezingo baitut defendatu», esan zuen atzo tenislari frantziarrak.

ERRUGBIA

Miarritzeko Gonzalez entrenatu ezinik dago final-laurdenetako partidari begira

Igandean jokatu du Miarritzeko Frantziako Ligako final-laurdenetako kanporaketa Staderen kontra. Miarritzeko amaitu ditu Aguilera entrenamenduak, eta bihar abiatuko da Parisa. Gonzalez kapitaina izango da duda hamabostekoan, herenegun eta atzo ez zelako entrenatu, gerritako arazoengatik. Gainerako guztiak prest daude, baita Bernat-Salles ere.

**Euskal Herriko lasterketa herrikoia igandean Antiguan, ekainaren 3an Baionan**

Egunkariaren Lagunak kultur elkarteak antolatzen duen Euskal Herriko lasterketa herrikoien txapelketako bigarren edizioaren baitan, Antiguako 10 kilometroko lasterketa jokatu da igande honetan Donostian. Atzo, gainera, ekainaren 3an Hazparnetik Baionara egiten den lasterketa aurkeztu zuten, txapelketako «etapa erregina»

Beñat Zuburu, Olivier Couchau eta Kike Zurutuza ikasletoleak guraso eta antolatzaileak azaldu zuten. 24 kilometroko proba bakarrik edo binaka egiten ahalko da. Txapelketa ekainaren 24an Bilbon eta udazkenean Gasteiz eta Iruñean egiten diren lasterketekin osatuko da. Amsterdam eta Parisera bidaia dira sari.

HARRI-JASOTZEA. Leitzarrak lehen ahalegina egingo du harri horrekin errekorra ezartzeko, Orkoien

330eko mugara heldu da Saralegi, baina dena beharko du harri hori leporatzeko, larunbatean

Koldo Alduntzin | ORKOIEN

Askotan errepikatu duen helmugara iristen ari da Miel Saralegi, larunbatean 330eko harritzarra leporatzen ahaleginduko baita Orkoien (Nafarroa) pilotalekuan (17:00). «Orain lau urte erotzat hartzen gintuzten 330ekoa jasotzera heltzen saiatuko ginela esaten genuelako», aipatu izan du behin eta berriz Saralegi. Bada... atarian dago, eta «jaso edo ez jaso», aurrera segituko duela dio. Herenegun egin zuen azken proba 330ekoarekin, eta orduan baino hobeto egiten ahal du larunbatean, bestela ederki kostako zaio.

Atzo egin zuten errekor ahaleginaren aurkezpena Orkoien udaletxean, eta Saralegi adierazi zuen «Lekunberrin erabilitako harria» erabiliko dutela, kilo bat gehiagorekin. «Behealdean» erantsi diotela zioen, eta horren arrazoiak: «329ko marka egin genuenean harria ateratzea eta bularrera jasotzea ona izan zen, han eragiten baitu pisua era horretan jartzea».

Sasoia aurrera doa, eta laster markak egiteari utzi, erakustaldi ekin eta ezkondu egingo da.



Saralegi atzoko prentsaurrekoan, Orkoien udaletxean.

Oraindik, halere, sasoiko dagoela dio: «Gutxi gorabehera, ohi bezala. Eguraldi aldaketak belunari eragiten dio, baina gauza larririk ez. Ongi prestatuta nago, eta joan zen urritik ho-

nantz eginiko prestaketa baliatu nahi dugu. Lekunberrikoa primeran irten zen, eta ez genuen aukera hau galdu nahi».

Prestakuntzaz ere bi hitz egin zituen: «Aurreko pisu-halterei

dagokienez, sentadilletan 20 kilo gehiago jasotzen ditut, eta pozik nago; 510 kilo jasotzen ditut». Entrenamendu egun bat nolako den azaldu zuen: «Harriarekin aritzen naizenean bi ordu egiten ditut, beroketa eta guzti. Pisu-halterekin, berriz, 07:00etan hasi eta 09:30 jota amaitzen dut; aspertzen naiz».

Eskaintza gehienak Nafarroan

Azkenaldian errekorrak ezartzeko ahalegin gehienak Nafarroan izan ditu, eta horren arrazoiak, «eskaintza gehienak hemen daude, guretzat hurbilago daude, eta aspaldian Gipuzkoa eta Bizkai aldean egin genituen, orain hemen dagokigu. Olatzen eta Lekunberrin, gainera, ongi irten zen, eta tira...»

Casimiro Larreak, (Orkoien alkatea) esan zuen ekitaldia herrian antolatzea «ikuskizun erakargarria» dela, eta errekorra Orkoien egitea «polita» litzatekeela. Halaber, «Eskola» izan zutela garai batean, eta «zaletasunak bultzatuta» erabaki zutela saioa antolatzea. Bestetik: «Orkoieni bultzada emango dio. Orain gutxi arte ez zen deus, eta gorantz doan herria denez, ekitaldiak izena hartzen lagundu egingo diote».

Udalak milioi erdi pezetako (20.000 libera) diru laguntza emango du errekorragatik.